



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic
Road Directorate

Broj: 04-14-41997/19

Datum: 10.02.2020. godine

Na osnovu člana 64. stav 1. tačka b) i člana 70. Zakona o javnim nabavkama („Sl. glasnik BiH“, broj 39/14) te na osnovu Preporuke o izboru najpovoljnijeg ponuđača broj: 04-14-41997/19 od dana 10.02.2020. godine, Direktor Direkcije za puteve Kantona Sarajevo donosi

ODLUKU

*o izboru najpovoljnijeg ponuđača
za „Izvođenje radova rušenja i uklanjanja objekata u cilju izgradnje, rekonstrukcije ili
rehabilitacije saobraćajnica u nadležnosti Direkcije za puteve KS“*

I.

Prihvata se Preporuka o izboru najpovoljnijeg ponuđača broj: 04-14-41997/19 od dana 10.02.2020. godine i ugovor za javnu nabavku „*Izvođenje radova rušenja i uklanjanja objekata u cilju izgradnje, rekonstrukcije ili rehabilitacije saobraćajnica u nadležnosti Direkcije za puteve KS*“ dodjeljuje se ponuđaču **KJKP Rad d.o.o.**, ponuda broj **04-11-3010** od **06.02.2020. godine**, za ponudenu cijenu od **495.100,00 KM bez PDV-a**, kao najbolje ocijenjenom.

II.

Prijedlog ugovora o nabavci dostavit će se na potpis izabranom ponuđaču KJKP Rad d.o.o. po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

III.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj 04-14-41997/19 od dana 28.11.2019. godine.

Javna nabavka je provedena otvorenim postupkom.

Procijenjena vrijednost javne nabavke bez PDV-a je 500.000,00 KM.

Obavještenje o nabavci broj: 201-1-3-53-3-122/19 objavljeno je na Portalu javnih nabavki dana 22.01.2020. godine.

Komisija za javnu nabavku imenovana je Odlukom o imenovanju Komisije za javnu nabavku broj: 04-14-41997-OIK/19 od dana 28.11.2019. godine.

Komisija za javnu nabavku je sačinila Zapisnik o otvaranju ponuda broj: 04-14-41997-ZOP/19 od dana 06.02.2020. godine, Zapisnik o radu komisije broj: 04-14-41997/19 od dana 06.02.2020. godine, Zapisnik o ocjeni ponuda broj: 04-14-41997/19 od dana 06.02.2020. godine te Preporuku o izboru najpovoljnijeg ponuđača broj: 04-14-41997/19 od dana 10.02.2020. godine, u postupku javne nabavke „*Izvođenje radova rušenja i uklanjanja objekata u cilju izgradnje, rekonstrukcije ili rehabilitacije saobraćajnica u nadležnosti Direkcije za puteve KS*“.

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda 2 (dvije);
- Da su blagovremeno zaprimljene 2 (dvije) ponude;
- Da nijedna ponuda nije neblagovremeno zaprimljena;
- **Da je ponuda ponuđača KJKP Rad d.o.o. prihvatljiva;**
- **Da ponuda ponuđača Penny Plus d.o.o. nije prihvatljiva iz sljedećih razloga:**

- Umjesto garancije za ozbiljnost ponude, dostavljena je izjava ponuđača da će istu dostaviti naknadno, što nije u skladu sa zahtjevom iz tenderske dokumentacije. Naime, u tački 15. TD je izričito naznačeno da "Garancija za ponudu se mora dostaviti u sklopu ponude i to prije isteka roka za dostavljanje ponuda".

- Na strani 43. ponude ponuđač je dostavio diplomu za lice Amel Hota dipl. ing. arh., a u tenderskoj dokumentaciji u tački 5.3.2 Obrazovne i profesionalne kvalifikacije osoblja na strani 10. je traženo: - Najmanje jedan (1) diplomirani inženjer građevine sa najmanje 3 (tri) godine radnog iskustva i položenim stručnim ispitom za voditelja radova to jeste odgovornu osobu – voditelja projekta rušenja izgrađenih objekata.

- Od str. 50 pa do 55. ponuđač je dostavio potvrde o uredno izvršenim radovima. Niti jedna od navedenih ponuda ne sadrži traženo iskustvo (iskustvo u skladu sa predmetom nabavke) i to:

1. Potvrde na stranicama 50., 51. i 53. nisu izdate od druge ugovorne strane, a kako je to traženo tenderskom dokumentacijom, a na osnovu odredbi Zakona o javnim nabavkama, već su iste izdate od Nadzornog organa (Zavod za izgradnju Kantona Sarajevo). Osim toga, iste ne obuhvaćaju predmetne radove tražene tenderskom dokumentacijom na strani 9 "...na poslovima izvođenje radova na rušenju objekata..."

2. Potvrda na stranici 52. izdata od strane Općine Centar Sarajevo glasi na izvršene radove na investicionom održavanju poslovnih prostorija sa kojima raspolaže Općina Centar. Iz iste se nedvosmisleno može zaključiti da se radovi navedeni u ovoj potvrdi ne odnose na one koje su tražene tenderskom dokumentacijom odnosno na radove "na poslovima izvođenje radova na rušenju objekata" .

3. Na stranici 54. ponude dostavljen je Zapisnik o primopredaji radova na rekonstrukciji zapadne tribine stadiona Koševo. Navedeni dokument ne može predstavljati dokaz o iskustvu na poslovima traženim tenderskom dokumentacijom jer je u tenderskoj dokumentaciji definisano da se isto dokazuje "potvrdama o izvršenim poslovima druge ugovorne strane", a ne Zapisnikom. Također, u navedenom zapisniku je navedeno da su izvršeni radovi na "Rekonstrukciji kontrolne sale na stadionu Koševo", iz čega proizilazi da je ovim Zapisnikom konstatovano da su izvršeni radovi na

rekonstrukciji, a ne na rušenju objekta kako je to traženo tenderskom dokumentacijom. Također se iz navedenog Zapisnika ne može utvrditi ni obim radova koji su obuhvaćeni ovim Zapisnikom.

4. Na stranici 55. ponude dostavljena je okončana situacija broj 19-3RU0-000008 za izvršene radove usluge popravka i održavanja zapadna tribina na stadionu Koševu (nadstrešnica). Ovaj dokument također se ne može uzeti kao relevantan dokaz o iskustvu na poslovima. Ugovorni organ je na stranici 9. pod tačkom 5.3.1. Iskustvo na realizaciji istih i sličnih poslova, jasno definisao oblik i sadržaj potvrde kojom se traženo iskustvo dokazuje.

- Osim toga na stranicama 56., 57., 58., 59., 60., 61., 62. i 63. dostavljene su potvrde o registraciji za određene mašine. Ugovorni organ je na stranici 11. pod tačkom 5.3.4. Građevinska mašina definisao: "Ponudač je dužan da dostavi dokaz da ima na raspolaganju specijalizovanu mašinu namjenjenu rušenju objekta visokogradnje koja posjeduje hidraulični čekić, kliješta za rušenje, ripper i kliješta za sortiranje kao i dužinu ruke od najmanje 20 metara, a koja mašina će imati urednu upotrebnu dozvolu za korištenje.". Kao što se može iz dostavljene dokumentacije zaključiti, niti jedna od navedenih mašina ne ispunjava ovaj uslov. Ponudač je u svojoj ponudi također propustio dostaviti i upotrebne dozvole za navedene mašine.

U postupku donošenja ove odluke, posebno su cijenjene činjenice da je Komisija za javnu nabavku pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima tenderske dokumentacije.

U postupku ocjene provedenog postupka, Direktor ugovornog organa nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija za javnu nabavku u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju je nesporno da je izabrani ponuđač najbolje ocijenjen zbog **najniže cijene**, kako slijedi:

Redni broj	NAZIV PONUĐAČA	UKUPNA CIJENA PONUDE IZRAŽENA U KM	
1.	Penny Plus d.o.o.	192.685,00 KM	<i>bez pdv-a</i>
		225.441.50 KM	<i>sa pdv-om</i>
2.	KJKP Rad d.o.o.	495.100,00 KM	<i>bez pdv-a</i>
		579.267,00 KM	<i>sa pdv-om</i>

Izabrani ponuđač je izabran primjenjujući kriterij najniže cijene, koja je ponuđena u iznosu od 495.100,00 KM bez PDV-a, dok je ponuda ponuđača Penny Plus d.o.o. ocijenjena kao neprihvatljiva iz gore navedenih razloga.

Iz navedenih razloga, primjenom člana 64. stav 1. tača b) Zakona o javnim nabavkama odlučeno je kao u članu 1. ove Odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

M.P.

Direktor

Dostaviti:

- evidencija
- *KJKP Rad d.o.o.*
- *Penny Plus d.o.o.*
- *a/a.*

Selmir Kovač dipl. ing. saob.



web: <http://dp.ks.gov.ba>

e-mail: dp@dp.ks.gov.ba;

Tel: + 387 (0) 33 560-402, + 387 (0) 33 560-426
Sarajevo, Hamida Dizdara 1

